

## Plenchi

### Bèl a bati

Bèlèm bèlèm, nos plenchi ta yen di ambiente kultural e siman aki. Tring tringgggg yega serka pa nos por sinta i tende historianan di antes, savoria nos kos dushinan ku nos grandinan a siña nos traha i kome.

Bati un bon kuminda kriyoyo pa sisti e stoma. Un guiambo, kadushi ku su funchi. Òf mihó un piska hasá ku su tutu. Un kabes ku higrá of un kòm kòmber chikí stobá. Un pida bolo di preimu, bolo di kashipete of miho un pida bolo pretu... esta bon. Tentalaria, koi lechi, kokada pretu,panseiku òf un pida kakiña.

Pero nos tin nos kustumbernan ku ta bale la pena nos siña nos hóbennan tambe. Kon ta baila un wals di Korsou, un mazurka. Kon ta biba ku otro i kompartí ku otro. Si abo tin suku i ami tin kòfi, nos dos ta bebe un dushi kòpi kòfi huntú.

Kon bisiña tabata masha importante pa kuida i yuda otro. Biba bon ku bo bisiña bieunan ta bisa, paso nan ta yega promé ora bo ta den pèrtá.

Antes niun hende no ta pasa dilanti di un misa sin hasi señal di krus.

Mester duna honor na Señor. Ora bo topa un waha di morto na kaminda, bo ta baha for di bo outo pa rèspèt pa e defuntu i ta hasi señal di krus. Bo ta sigui kore te ora e stut pasa bai.

Tabatin yoradónan di morto i resadónan di rosario durante di ocho dia despues ku un persona fayesé.

Ban konta nos yunan nos kustumbernan di antes pa nan sa a lo menos kon diferente e mundu ei tabata.

Awor ya komo ta dia di dosente djaluna awor, ban konta nos yunan di nos fraternan, surnan of nos yufrou i menernan di antes. Nan kustumber i nan manera di hasi. Nan tabata tin rèspèt di komunidad kompleto. Ora bo haña straf na skol, na kas bo ta haña dòbel. Skol tabata te 3 or anto tabatin skol te hasta djasabra. Tur djadomingu tur mucha ta bai misa, i nan ta hasi nan bèst pa nan yufrou/mener mira nan na misa. Tur yufrou i mener ta bai misa tambe tur djadomingu.

Si bo no a bai misa, djaluna bo ta duna kuenta i rason na skol.

Mener ku yufrounan tabatin ihá pa no kaba, hopi mayor ta skohe un maestro pa ta madrina/padrino di nan yu.

Na tur maestro, masha pabien ku boso dia, 5 di oktober dia internashonal di maestro. Danki pa boso trabou bunita i dedikashon pa tur nos hóbennan.

## Riba rapòrt

Un regalo pa tur nos maestronan di direktiva di skolnan katóliko. Un gesto chikí pa boso amor i dedikashon.



Tur nos maestronan ta invitá pa bai wak e sine: **THE INTERN** na Cinemark na Sambil. Bo por disfrutá di un sine, haña un pòpcorn i un refresco i paga solamente 8 florin.

Dia ta 5 di oktober pa 11 or na Cinemark na Sambil. Karchinan mester tabata tuma i pagá promé ku dia 2 di oktober. Pero si bo no tabata sa, yama nos djaluna mainta ainda i wak si ainda nos tin mas karchi di sine kombo.

Danki na nos maestronan i danki na Cinemark pa nan opsekio na nos maestronan.



Happy Teachers Day  
your work is greatly appreciated

Dia 5 òktober dia di Maestro  
RK schoolbestuur i Cinemark a  
yega na un akuerdo pa ofresé tur nos  
maestronan ku ta deseá:

un karchi pa wak un pelikula,  
1 pòpkörn i 1 limonada na  
bator di f.8.--

Dia: 5 òktober 2015  
Ora: 10.30 am

Tur esnan ku ta interesá mester reservá  
nan karchi promé ku dia 2 òktober 2015  
serka sekretarianan na kantor  
RK Schoolbestuur.



## **Riba roster**



**St. Jozef VSBO di bishita na Kustwacht. Hóbennan a haña informashon balioso pa nan formashon.**

## **Not'é riba bòrchi**





**Radulphus su Maria beeld a keda restaurá dor di Rien te Hennepe.  
Masha danki pa e tremendo trabou.**

## **Den agènda**

**5 di oktober dia di dosente**

**Liber di skol 5 pa 9 di oktober**

## **Mi ta konta**

### **Stòp di spera, disidí i aktua.**

**Ryan tabata pará na èrport na warda su kasá yega for di un biaha di trabou. Einan el a siña un lès masha balioso mes. Wardando el a mira un hòmer ta kana yega i ta brasa ku hopi kariño un mucha homber di mas o menos 4 año. El a tendé ta bisa: "mi yu stimá, kon ta."**

**Despues el a bira i brasa un otro mucha hòmer di 10 año. Den brasa di un señora ku a parse kasá di e homber tabatin un yu muhé di un año ku tabata sapatia pa bai serka e homber biahero ku a regresá kas. E tata a tuma i a brasé i tene dushi kontra su pechu. Despues e hòmer aki a pasa e yu muhé pa e mucha homber mayó por kargue.**

**E homber a wak e señora den su kara i a bise: "Esun mas speshal ma laga pa último." El a kue e señora den su brasa i a bisé: "Mi a sinti bo falta dushi, Hesus mi stimabu."**

**Ryan a keda impreshoná ku e loke el a mira i tende. For di su boka e palabranan a salí promé ku el a pensa: “Ta kuantu tempu mener a keda afó anto?”**

**E mener a kontestá: “Dos dia largu.”**

**Ryan a kontestá: “Kuantu aña boso tin kasá anto, paso boso ta tan enamorá”.**

**E hòmber a kontesté: “Nos ta bai hasi 13 aña kasá otro luna.”**

**Ryan: “Mi tin 5 aña kasá i mi no ta asina loko enamorá. Ban spera ku aki 5 aña mi por ta maske ta mitar mes namorá kompará ku loke mener a ekpresá aworei.”**

**E mener a keda wak Ryan den su kara i a respondé: “Tuma e desishon pa hasie i no spera. Tur kos ta den bo man. Speransa no ta logra niun meta sin no tin desishon i akshon di nos parti”**

## **Un prenci**





**Kolegio Sur Herman Jozef selebrando siman di kultura**

### **Mucha djispou**

**Javier ta sintá ketu ku su mama na mesa ta pinta.**

**Javier: “mama dikon mama tin un par di kabei koló shinishi?”**

**Javier su mama a pensa ku ta un bon oportunitat pa e siña su un lès di bida.**

**Mama: “Mi yu paso kada bes ku bo hasi algu malu, un drachi di kabei ta bira shinishi. Bo ta mira esaki? Ta ayera ma hañe ora bo hasi mahos den supermarket paso mi no kera kumpra un bala pabo.”**

**Javier: “Ok!”**

**Despues di un ratu silencio..**

**Javier: “awor mi ta kompronde, mama tabata hopi mala muchu anto paso welita su kabeinan ta shinishi shinishi. No a sobra niun drachi pretu..”**